

2126.9/4717



ՀԱՅԱՍՏԱՆԻ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ
ՈՒ ՊԵՏՐՈՍՅԱՆ

30 » 03 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0066-21

Ձեռնարկողը՝

«ԵՐԵՎԱՆՆԱԽԱԳԻԾ» ՓԲԸ

ք. Երևան, Բուզանդի 1/3

Գործունեությունը՝ «Մասիսի պետական գյուղատնտեսական քոլեջ» ՊՈԱԿ-ի
շենքային պայմանների բարելավման շրջակա միջավայրի
վրա ազդեցության նախնական գնահատման հայտ
Արարարի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Գ. Գևորգյան

Առդիր եզրակացությունը՝ 5 թերթ



Գեոմորֆոլոգիական տեսանկյունից ուսումնասիրվող տարածքը գտնվում է Արարատյան դաշտի կենտրոնական մասում՝ Հրազդան գետի ստորին հոսանքի ավազանում և բնութագրվում է հարթ ռելիեֆով:

Տեղամասում ստորերկրյա ջրերը մակերևութային են և տեղակայված են 5-10մ խորության վրա:

Համաձայն նախագծային փաստաթղթերի քոլեջը բաղկացած է 3 հիմնական մասնաշենքերից և օժանդակ շինություններից՝ I-ին ուսումնական մասնաշենք (երկհարկանի, կից մարզադահլիճի մասնաշենքով), II-րդ ուսումնական երկհարկանի մասնաշենք, ճաշարան (միահարկ), պահակատուն (միահարկ կառույց), ենթակայան (միահարկ), ավտոտնակ (միահարկ), ավտովարման հրապարակ:

Քոլեջ հաճախող աշակարտների փաստացի թիվը շուրջ 370 է: Վերակառուցվող ուսումնական քոլեջը նախատեսվել է մինչև 500 ուսանողի համար:

Նախագծով նախատեսվել է.

- ներքին ինժեներական ենթակառուցվածքների (սառը և տաք ջրամատակարարման, կոյուղու, ջեռուցման, էլեկրամատակարարման, գազամատակարարման, օդափոխության և օդորակման, հակահրդեհային ազդանշանման, հրդեհաշիջման, տեսահսկման, կապի, ջրահեռացման) համակարգերի կառուցում, մասնաշենքի արդիական ներքին հարդարում,
- հենաշարժային համակարգի խախտումներ և հաշմանդամություն ունեցող անձանց մատչելի տեղաշարժն ապահովող անհրաժեշտ նախագծային լուծումներով և սարք-սարքավորումներով (թեքահարթակներ, վերելակ, առանձնացված սանհանգույցներ, բազրիքներ, լրացուցիչ լուսավորություն,
- տարածքի բարեկարգում, լուսավորություն, արտաքին խաղահրապարակի կառուցում, ըստ անհրաժեշտության կառուցվել/վերակառուցվել են արտաքին հաղորդակցուղիները, նախատեսվել են ենթակայան, ըստ անհրաժեշտության և տեխնիկական պայմանների՝ ծրագրի շրջանակներում անհրաժեշտ տարածքի ընդգրկումով,
- համայնքին բնորոշ բնակլիմայական պայմանների հաշվառմամբ՝ նախատեսվել է այլընտրանքային էներգիայի օգտագործման հնարավոր միջոցներ (արևային ջրատաքացուցիչներ և ֆոտովոլտային պանելներ)՝ օբյեկտում տաք ջրամատակարարում և էլեկտրամատակարարում ապահովելու համար:

Նախագծանախահաշվային փաստաթղթերի մշակումն իրականացվել է հետևյալ կազմով.

- գոյություն ունեցող ուսումնական մասնաշենքերի վերակառուցման աշխատանքների նախագիծ, նախատեսելով սեյսմազինվածության բարձրացման միջոցառումներ,
- գոյություն ունեցող ճաշարանի վթարային մասնաշենքի քանդման և լաբորատոր
- մասնաշենքի կառուցման նախագիծ,
- գոյություն ունեցող մարզադահլիճի վթարային մասնաշենքի քանդման և նոր մարզադահլիճի, հանդերձարանի, սանհանգույցների և հանդիսությունների դահլիճի մասնաշենքերի կառուցման նախագիծ (կից ուսումնական մասնաշենքին՝ հաշվի առնելով գոյություն ունեցող մարզադահլիճի մասնաշենքի փոքր չափսերը),
- կաթսայատան կառուցման նախագիծ,
- ենթակայանի նոր մասնաշենքի նախագիծ,
- ջերմոցային տնտեսության կառույցի նախագիծ (500 քմ մակերեսով՝ 2 հատ 250 քմ),
- ձկնաբուծության լճակ (2 հատ 100 քմ),
- ջրի ռեզերվուարներ (հրդեհաշիջման և պահուստային ջրամատակարարման)



- գյուղտեխնիկայի պահպանման տարածք ծածկարանով (նախատեսված 4 տրակտորի համար),
- գյուղտեխնիկա վարելու համար նախատեսված հրապարակ,
- բաց մարզահրապարակ, պահակակետ, պարսպապատում:

Համաձայն հայտում ներկայացված տեխնիկատնտեսական ցուցանիշների՝ տարածքի ընդհանուր մակերեսը կազմում է 33830 քմ, քանդվող շինությունները՝ 1280 քմ, վերակառուցվող շինությունները՝ 1970 քմ, կառուցվող շինությունները՝ 2760 քմ, կանաչ տարածքը՝ 18661 քմ, ճանապարհները՝ 8867 քմ, պարիսպը՝ 292 քմ:

Նախատեսվող աշխատանքների տևողությունը կկազմի 27 ամիս:

Շինարարությունում ներգրավված աշխատողների ընդհանուր թիվը նախատեսված է 90 մարդ, որից բանվորներ՝ 81 և ինժեներներ՝ 9 մարդ:

Շինարարական աշխատանքների ընթացքում օգտագործվելու են շինարարական մեքենաներ և մեխանիզմներ՝ աշտարակային կոունք, ավտոկոունկ, էքսկավատոր, ավտոինքնաթափ և այլն:

Շինարարության ժամանակ շինանյութերից նախատեսված է օգտագործել բետոն, ամրան, ալյումինե կոմպոզիտային նյութեր, ապակի, տրավերտինե երեսպատում, բարձրորակ ներկ: Բետոնի շաղախի մատակարարումը կիրականացվի մասնագիտացված ընկերության կողմից՝ պայմանագրային հիմունքներով:

Քոլեջի ջրամատակարարումն ու ջրհեռացումն, էլեկտրամատակարարումն ու գազաֆիկացումը իրականացվելու են համաձայն «Վեոլիա Ջուր», «Հայաստանի էլեկտրական ցանցեր» և «Գազպրոմ Արմենիա» ՓԲ ընկերությունների տեխնիկական պայմանների:

Նախատեսվող գործունեության համաձայն կենցաղային կոյուղու արտաքին ցանցը ինքնահոս է: Ջեռուցումը նախատեսված է տարածքում նախագծվող կաթսայատնից:

Շինարարական աշխատանքների ընթացքում, առաջացող թափոնատեսակներն են՝ կենցաղային աղբը՝ 150-200 կգ, որը կտեղափոխվի մոտակա աղբավայր, և 1200մ³ շինարարական աղբը, որն ամբողջությամբ տեղափոխվելու է տեղական ինքնակառավարման մարմինների կողմից հատկացված վայր:

Շինարարության ընթացքում բնառեսուրսներից օգտագործվելու է ջուր՝ տարածքների ջրցանի, հողի/գրունտի խոնավացման համար և շինանձնակազմի խմելու, կենցաղային նպատակների համար: Ջրցանի ծավալները հաշվարկվում են այնպես, որպեսզի չառաջանան մակերևութային հոսքեր և ջուրը բավականացնի միայն փոշենստեցման համար: Շինարարության փուլում ընդհանուր ջրօգտագործումը կազմելու է 1747.64մ³/շին. ժամ:

Շինարարական աշխատանքների ընթացքում հողային հանույթը կազմելու է 10955մ³, որից հետլիցքը՝ 6193մ³: Ավելացած հողային զանգվածը կտեղափոխվի Մասիս քաղաքի համայնքապետարանի կողմից օրենքով սահմանված վայր:

Նախագծով նախատեսված շինարարական աշխատանքների ավարտից հետո կառուցապատումից ազատ տարածքը կբարեկարգվի:

Կանաչապատ տարածքների ոռոգման ջուրը կմատակարարվի տարածքում հատուկ գործող հորից: Ծառատեսակների համար նախատեսվել է անձրևային ոռոգման համակարգ: Այն տեղամասերում, որոնք ենթակա են հնարավոր ազդեցության, տնկված ծառաթփուտային բուսականության բարձր աճը և կաշողականությունն ապահովելու նպատակով նախատեսվում է իրականացնել մոնիթորինգ:

Գործունեության ենթակա տարածքում պատմամշակութային հուշարձաններ, բնության հատուկ պահպանվող տարածքներ չկան:



Նախատեսվող գործունեության իրականացման ժամանակ լինելու են շրջակա միջավայրի վրա ժամանակավոր ազդեցություններ, որոնք հիմնականում կապված են լինելու շինաշխատանքների հետ:

Համաձայն նախնական գնահատման հայտի նախատեսվում են՝ մթնոլորտային օդը, հողը և ջրային ռեսուրսները պահպանել աղտոտումից, բնական ռեսուրսների արդյունավետ օգտագործման, թափոնների կառավարման, աղմուկի մակարդակի և արտակարգ իրավիճակների ռիսկերի նվազեցմանն ուղղված բնապահպանական միջոցառումներ, որոնք ներառված են բնապահպանական միջոցառումների ծրագրում և մոնիթորինգի պլանում.

- շինարարության ընթացքում օդային ավազան փոշու արտանետումների քանակը նվազեցնելու նպատակով՝ ջրցանի կատարում,
- սորուն նյութերի պահեստների ծածկում՝ համապատասխան բարձրության թաղանթով,
- սորուն շինարարական նյութերի և հողային զանգվածի տեղափոխում՝ փակ ծածկով մեքենաներով,
- շինարարական նյութերի տեղադրում՝ բետոնապատ մակերեսի վրա,
- աղմուկի մակարդակը նվազեցնելու նպատակով շինարարական աշխատանքների ընթացքում շարժիչների, օդի կոմպրեսորների և էլեկտրականությամբ սնվող սարքերի ծածկում,
- շինհրապարակում թափոնների տարանջատում, աղբամանների տեղադրում,
- շինարարական տեխնիկայի լիցքավորումն ու յուղումը շինհրապարակից դուրս՝ լցակայաններում կամ սպասարկման կետերում,
- հնարավոր արտահոսքերը կանխելու նպատակով հեղուկ նյութերի պահում՝ հատուկ տակդիրների վրա,
- մթնոլորտային օդի արտանետումների որակական և քանակական ցուցանիշների պարբերական չափումներ՝ երեք ամիսը մեկ անգամ,
- օգտագործված մեքենայական յուղերով ու քսայուղերով հողերի հնարավոր աղտոտումից պահպանելու նպատակով հողերի մշտադիտարկում՝ երեք ամիսը մեկ անգամ,
- շինարարության ընթացքում աշխատանքի անվտանգության և արտակարգ իրավիճակների կանոնների պահպանում և այլն,
- աղմուկի և թրթռումների մշտադիտարկումներ՝ երեք ամիսը մեկ անգամ:

Բնապահպանական միջոցառումների համար նախատեսվում է տարեկան մասնահանել 350 հազ. դրամ, ամբողջ շինարարության ընթացքում 700 հազ. դրամ:

Պատճառաբանական մաս.

Համաձայն նախնական հայտի շենքային պայմանների բարելավումն իրականացվելու է ՀՀ-ում գործող օրենսդրության և նորմատիվատեխնիկական փաստաթղթերի պահանջներին համապատասխան:

Շրջակա միջավայրի վրա ազդեցությունները կրելու են ժամանակավոր բնույթ՝ պայմանավորված շինարարության փուլով:

Փորձաքննական գործընթացին ներգրավվել են շրջակա միջավայրի նախարարության ստորաբաժանումները, Արարատի մարզպետարանը, ինչպես նաև այլ գերատեսչություններ:

Հայտը լրամշակվել է նաև ներկայացված դիտողությունների և առաջարկությունների հիման վրա:



Օրենսդրությամբ սահմանված կարգով Մասիս քաղաքի 3-րդ թաղամասի Հերացու փող. թիվ 21 հասցեում իրականացվել է հանրային քննարկում, որի ընթացքում հանրությունը դրական է արտահայտվել նախատեսվող գործունեության վերաբերյալ:

Փորձաքննական պահանջներ

Նախատեսվող գործունեության իրականացման ընթացքում անհրաժեշտ է.

- առաջնորդվել ՀՀ քաղաքաշինական նորմերով և պահանջներով,
- ՀՀ օրենսդրությամբ սահմանված կարգով պահպանել արտակարգ իրավիճակների և աշխատանքի անվտանգության կանոններն ու նորմերը, արտանետվող փոշու և առաջացող աղմուկի ու թրթռումների թույլատրելի մակարդակը,
- բետոնի տեղափոխումն իրականացնել հայտում նախատեսված ձևով՝ բացառելով շինարարական հրապարակում կամ հարակից տարածքներում բետոնի արտադրությունը,
- շինարարական աշխատանքների ընթացքում առաջացող թափոնների կուտակումն ու հեռացումն իրականացնել ՀՀ օրենսդրությամբ սահմանված կարգով, տեղական ինքնակառավարման մարմինների կողմից հատկացված վայր,
- շինհրապարակից դուրս եկող մեքենաները պարտադիր լվանալ, իսկ առաջացած կեղտաջուրը հեռացնել՝ միացնելով ջրհեռացման համակարգին,
- պարսպապատել շինարարական հրապարակը,
- շինությունները ծածկել համապատասխան բարձրությամբ փոշու տարածումը կանխող ցանցով,
- շինարարության ընթացքում պահպանել բնապահպանական միջոցառումների ծրագրում և մոնիթորինգի պլանում նախատեսված միջոցառումների իրականացումն ու ժամանակացույցերը:

ԵԶՐԱՓԱԿԻՉ ՄԱՍ

«ԵՐԵՎԱՆՆԱԽԱԳԻԾ» ՓԲ ընկերության կողմից ներկայացված Արարատի մարզի Մասիս համայնքի 3-րդ թաղամասի Հերացու փողոցի թիվ 21 հասցեում «Մասիսի պետական գյուղատնտեսական քոլեջ» ՊՈԱԿ-ի շենքային պայմանների բարելավման շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Մասնագետ՝



Մ. Ավետիսյան